

Herenegun atxilotutako gehienak askatu ditu Frantziako Poliziak

Eziolaza, Aristi eta Bergaretxeak polizi egoitzan segitzen dute

Herenegun Frantzian eta Ipar Euskal Herrian atxilotutako pertsona gehienak askatu zituen atzo Frantziako Poliziak. Zenbait iturriren arabera, bost lagun baizik ez daude atxiloturik: Hegoaldeko Eziolaza, Bergaretxea, eta Aristi eta Christine Chauvire eta Eric Catala frantziar herritarrek.

L. ETXEZAHARRETA / BAIONA

Atzo arratsaldean Angersen, Bretaniatik hurbil den Maine et Loire Departamentuko hiri nagusian, bezperan hasi operazioaren berri jakitera eman du Polizia Judizialak. Bertan argitu dituzte atxilotetak eta hauen zergatiak, baita ere ETaren aurkako ekintza zela. ETaren komando bat osatzen saiatzea leporatu diote Jose Luis Eziolaga Galan gasteiztarrari. Honen laguntzaileak eta azpiegiturako partaideak izan daitezke beste 20 atxilotuak. Ostiral goiz honetan batzuk aske utzi ditzaiketela jakin erazi zuten.

Prentsaurreko horretan pertsona batzuk aske utziko zituztela iragarri bazuten ere, ez zuten zehaztasunik eman. Vasco Press agentziaren arabera, atxilotutako bosti luzatu zieten atxiloteta epea, eta beste guztiak aske utzi, hauen artean Izaskun Rekalde.

Vasco Press agentziaren iturrien arabera, polizi agintarien Angersen emandako azalpenak ez lirateke oso



Izaskun Rekalde.

zuzenak. Vasco Pressek dionez, polizi ikerketak erakutsi du Jose Luis Eziolazak ez duela gaur egun inolako funtzio garrantzitsurik erakutsi du. Eziolazak Amnistiaren aldeko Batzordeen txostenak frantsera itzultzen eta argitaratzen ziharduen eta hori lirakete antzemandako dokumentazio bakarra.

Asteazken goizean, Angers hiririk gertu, Saint Sylvain d'Angers herrian atxilotu zuten Jesus Maria Bergaretxe Zugasti, 41 urteko lizartarra. Berriki etorria zen eta 'chambre d'hôte' behin-behineko egoitza batean zegoen. Ohargarri da egoitza hori Edith Cresson, lehen ministroaren bigarren etxebizitza batetarik zela.

✓ Vasco Pressek dioenez, polizi ikerketak argi erakutsi du Jose Luis Eziolazak ez duela gaur egun inolako funtzio garrantzitsurik.

Foch hiribidean, Angers hirian egin zen Jose Luis Eziolaga Galanen atxiloteta. Poliziak dionez, izen faltua erabiltzen zuten: 'Luis Isava'. Bere laguna Rosa Maria Gonzalez Murua zaraiztarra toki berean hartu zuten Poliziak. Ordu berean, Chaptal kalean, hiriko hegoaldean, etxe-dorre batean Jose Manuel Aristi Etxaide 33 urteko zumaiarra atxilotu zuten, bertan zegoen emakume frantziar batekin. Poliziaren arabera, etxebizitza hori «errefuxiatuek erabiltzen zuten pasaiako egoitza gisa».

Poliziak zehaztu zuen ere «10 hilabete hauetan segitzen ziotela Eziolaga Galani» eta «Angersetik ETaren komando baten sarea antolatzen ari zela». Izan diren beste atxiloteten zergatia Poliziak ez zuten zehaztu nahi izan eta dena «azpiegitura laguntzaile sare bat zegoela» baieztu nahi izan zuten.

Santiago Arrospide 'Potrosen' laguna den Izaskun Rekalde atxilotua izan zen Miarrizten ordu berean, baina Poliziak ez zuten argitu bere loturarik Angersekoein. Hauk ez zirelako probatu menturaz, bart askatu zuten Baionan.



Poliziak Arenalean bildutakoek kontra eraso zuen.

SIMAL

Poliziak Bilbon presoan aldeko manifestaldiari eraso zion atzo

Z.ZAMAKOLA / BILBO

Polizia Nazionalak euskal preso politikoen eskubideak aldarrikatzen zuten manifestazioari eraso egin zion atzo Bilbon. Gainera, artikulua hau idazteko unean zehaztu gabe dauden atxiloteta batzuk egin zituen Bailen enparantzan, erasoaren ondoren sortu ziren istiluetan.

Iturri batzuek lau atxilotetaren berri eman zuten eta Amnistiaren Aldeko Batzordeak paisanoz jantzitako Poliziaren Erakunde Nagusiko partaideek bi gazte atxilotu zituztela baietsi zuten, nahiz eta beste bizpahiru egon zitezkeela erantsi. Ezagutzen diren atxilotuen izenak Jon Lizarrabia eta Unai Aspuru dira.

Manifestaldia Jarrai gazte erakundeak deitu zuen, Amnistiaren Aldeko Batzordeak euskal preso politikoen eskubideen alde antolatu duten astean atzoko eguna gazteei egokitu bait zitzaion.

Eguerdiko hamabi t'erdia zirela, lauhun-bostehun gazte inguru batu ziren Bilboko Arenalean, eta 'Ikasleak presoan eskubideen alde' izenburua zeukan pankarta buruan, Plaza Zirkularerantz abiatu ziren, errepidetako bi bideetako bat okupatuta eta beste libre utzita.

Zubia pasatu berri zutela, Polizia Nazionalako furgonetak manifestaldiari eraso zioten. Ekintza honen

ondorioz, manifestalariak barrikadak ipini zituzten Arenaleko zubian, eta sua eman zieten.

Istiluak Arenalera, Bilboko udaletxera eta Alde Zaharrera hedatu ziren, eta egurdiko ordu biak arte iraun zuten, Bilboko kaleetan sekulako ataskoa eraginez.

AMNISTIA EKITALDIK UGARITUZ Era berean, atzo AABek igorritako oharrean jakin erazi

zuten hainbat ekitaldi antolatu direla Euskal Herri osoan zehar. Erakunde honek jakin erazi zuen ehun pertsonatik gora parte hartu dutela edo parte hartzen ari direla euskal presoek elkartasuna adierazteko Hegoaldean egiten diren gose grebetan.

Gainera, Amnistiaren Aldeko Batzordeak aste honetan antolatu dituen ekitaldietan, presoek senitatekoek «egungo sakabanaketak eragiten duen egoeraren berri emateko»; preso ohiek «espetxe politika barrutik nola bizi den esateko», eta AAB-Betako partaideek «Amnistiaren eskakizuna une honetan hain garrantzitsua zergatik den azaltzeko», oharak dioenez.

Gaur Amurrión, Gasteiz, Bilbon, Durangon, Mungian, Ondarroan, Donostian, Bergaran, Zumarragan, Zestoan, Gasteiz, Bilbon, Donostian, Iruñean eta Baionan deitu dituzte ekitaldiak.

Irurtzun-Andoain autobidea

Hobekuntzak onartzeko prest daude EA eta Añamendikoak

DONOSTIA

Irurtzun-Andoain autobidearen proiektua hobetuko luketen proposamenak onartzeko prest azaldu dira Eusko Alkartasuna eta Añamendikoak.

Carlos Garaikoetxeak dioenez, bere alderdia «ez da inoiz hobekuntza teknikoaren kontra egon, ezta egongo ere». Balizko aldaketa horiek gastu gehiago ekarri arren, hori onartzeko prest azaldu da Garaikoetxeak, beti ere «gizartearen ordezkariak horren alde egonez gero».

Eakoaren iritziz, «zentzuzkoa» da proiektu bat hobetzeko ahaleginak egitea, «baina orekari eutsi behar zaio. Beste gauza bat da irtenbide kaskarragoak bilatzea, mehatxuak gainetik kentzeko». Hobekuntza bakoitzak ekarriko lukeen kostua kontutan hartu behar dela eta horren arabera erabaki beharko litzakeela gehitu zuen Garaikoetxeak.

Ildo beretik, «trazaketa tekniko hobetzearen kontra inoiz egon ez bagara, orain ere ez gara horren kontra

jarriko», adierazi zuen atzo Añamendiko Patxi Baztarrikak. Halaber, EE eta EAK urriaren 10ean Gipuzkoako Batzar Nagusietan aurkeztu zuten mozioan «hobekuntza teknikoak» hobetzeko aukera aipatzen zela ekarri zuen gogora Baztarrikak. Ondorioz, hobekuntzei ateak ez dizkietela itxiko azpimarratu zuen.

Garaikoetxeak jarraiki, hobekuntzek «amore ematearekin zerikusirik ez duela» esan zuen Añamendikoak. Gipuzkoako Batzar Nagusietako batzorde berezira heltzen diren proposamen guztiak «aurrituz gabe» aztertuko dituztela agindu du EEkoak. Dena dela, hobekuntzen muga A-2 trazaketa dela nabarmendu zuen.

Proposamen guztiak Batzar Nagusietako batzordera eraman behar dira Baztarrikaren iritziz, «Batzar Nagusiak aintzat hartzeke ihardutea oso larria litzateke eta». Batzordeko kide ez den edozeinek egin ditzake hobekuntza proposamenak, Añamendikoak dioenez, «gutxieneko tolerantzia beharrezkoa bait da».

Olarra: «Leitzarano bailara salbatuko delakoan baikor gaude»

GASTEIZ

Joxe Maria Olarra Herri Batasunako Mahai Nazionalako kidea baikor da, Lurraldeak Leitzarango bailara salbatzeko egin dituen gestioek «emaitza ona» izan ditzaketelako. «Herri Batasuna baikor da, Leitzarango bailara salbatuko delakoan bait gaude. Lurraldeak egin dituen gestioen gain kandidantza osoa daukagu, eta elkarrizketen bidez emaitza onak lor daitezkeela uste dugu» esan zuen.

Alternatiba ofiziala -A-2 izenaz ezagutzen dena- jadanik ez du inork defendatzen Olarraren ustetan. «Alderdiek uko egin diote A-2 gerorako proiektu gisa defendatzeari. Gainera ez da irtenbide demokratikoa bilatzeko marko egokiena» esan zuen. HBko arduradunak orain arte tinko A-2ri eutsi diotenak ere «mugitzen» hasi direla uste du. «Azken erabakirik at ez gelditzearen EAK berak ere diskurtsoa aldatu du» esan zuen.

“Deba ibaiaren uharka egokitzea GI-627 errepedearen 74,700 K.P.an” (Gakoa: 7-ML-133/90)

1991ko Abenduaren 4eko Gipuzkoako Aldizkari Ofizialean, 231 zk.an, “DEBA IBAIAREN UHARKA EGOKITZEA GI-627 ERREPIDEAREN 74,700 K.P.an” (GAKOA: 7-ML-133/90) Proiektua dela eta, okupazioaren Aldez Aurreko Aktak egiteko deialdia eman da argitara.

Iragarkian Proiektu honek hartuko dituen ondasun eta eskubideen zerrrenda zehatz eta banakatua ere ageri da.

Donostia, 1991ko Abenduak 5.



Gipuzkoako Foru Aldundia

Garraio eta Bide
Azpiegitura Departamentua